


Ka Ora a Tāmati me Mokopeke i te Ahi



MĀUI-TINEI-AHI

TAU 1, 2

He mea whakaputa e Te Tari Tinei Ahi o Aotearoa, Pouaka Poutāpeta 2133, Te Whanga-nui-a-Tara.

Ko ngā ratonga whakaputa pukapuka nā Lift Education rātou ko South Pacific Press ko Zeta Resources Ltd.

Ko ngā kupu o Ka Ora a Tāmati me Mokopeke i te Ahi: nā Anne Brunt

Ko ngā pikitia o Ka Ora a Tāmati me Mokopeke i te Ahi: nā Jenny Cooper

Ko ngā pikitia o Kia Tūpato ki Te Ahi: nā Christine Tate


He mea whakamāori: nā Tokomāpuna Ltd

Ko te manatārua o ngā kupu me ngā pikitia © Te Tari Tinei Ahi o Aotearoa 2010.

Kua rāhuitia ngā mana katoa. Me tuku atu ngā tono katoa ki te kaiwhakaputa i te pukapuka.


ISBN: 978-1-877539-05-3, 978-1-877539-07-7 (Get Firewise resource)

Nama Tuemi: FS4002




Nō te wehenga atu a Māia rātou ko Hēmi ko Māmā ki te puni o te kura, ka pōuri katoa au. "Māu tēnā mahi hei tērā tau, Tāmati," te kī mai a Māmā.

"Kei te pai, ka kitea he mahi tino pai mā kōrua ko Pāpā hei te pō nei."




I taua pō, ka noho a Pāpā ki te tunu i tā mātou kai tino pai. Ka pau wawe ngā tōtiti te kai e Mokopeke. Kātahi ia ka tū ki te pīnono i ētahi anō. Ka hoatu e au ētahi o aku kāroti. Ka kite mai a Pāpā i a au me te kurī, kātahi ka kowhete mai, "Me i konei a Māmā, kei te mōhio koe ki ana kōrero, Tāmati..." Kātahi ka kemo mai.

Ka hongi mai a Mokopeke ki te kāroti, kātahi ia ka pēnei i roto i ōna whakaaro, "Pai atu te tōtiti."




Ka mauria mai e Pāpā he kānga pāhūhū. Ka mātaki ki tā māua kōpae pikitia tino pai. Nāku i hoatu he kānga ki a Mokopeke. Ka kōtamutamu ia i te kānga.

Kātahi ia ka pēnei “Hmmm. He tino uaua rawa atu tēnei kai.” Ka kai ia i tētahi atu wāhi, ka mahara ake anō. “Ehara tēnei i taku kai tino pai, engari kia kaha koe ki te kai, kātahi ka tino reka i roto i tō waha.”



Nō te mutunga o te kōpae, ka kōpakina au e Pāpā ki roto i taku moenga. Ka akiaki au i a Pāpā kia pānui anō ia i tētahi atu kōrero paki, engari ka kī mai ia "Tāmati, kua hipa noa atu tō wā moe. Kua tae ki te wā mō te moe. Mā Mokopeke e moe i tō moenga mō tēnei pō anake, nē?"

Whakawetongia ana e ia te rama, ka moe ō māua whatu ko Mokopeke.



Kāore i tino roa ka rongo i tētahi tangi hoihoi tonu i te rūma moe. **NGAWI NGAWI!** Tino kaha te tangitangi mai!

He tino pōuri hoki. Ka tīmata a Mokopeke ki te auau. Kore tonu e mutu. I te mataku māua. Kātahi au ka mōhio he aha rā te mea turituri rā. **NGAWI NGAWI!** Ko te pūoho auahi tonu!


"Kia tere, Mokopeke," tāku karanga atu ki a ia.
"He ahi tonu! Kia **TERE** tonu tā tāua puta atu ki waho."



"Noho mai koe me au, Mokopeke, ki te rere atu koe i taku taha ka mahue koe i a au," taku hāmama atu ki a ia. "Kāore au mō te kōroiroi. Kia **TERE** tonu tā tāua puta atu ki waho."

"Kei tō taha tonu au!" te whakaaro o Mokopeke.

He tino kaha rawa te rarā o te pūoho auahi – ko tāna he whakahau i a māua **KIA TERE TONU TE PUTA KI WAHO**.



I te tirotiro a Mokopeke i roto i te hōro, engari i kite au i te auahi i reira. “Mokopeke, KĀO,” taku kī atu ki a ia. “Haere mai koe me au. Me haere tāua mā tētahi putanga kē atu. Tāua ka puta atu mā te kūaha o te rūma noho.”

“He ahi tonu tēnei!” te whakaaro o Moko.
“He mōrearea tonu. Kāore au mō te noho noa iho i konei.
Kia **TERE, TERE, TERE** tonu taku puta atu ki waho.”

Ka auau a Mokopeke, “**HE AHI, HE AHI, HE AHI!**”


Ka hāmama hoki au, “**HE AHI, HE AHI, HE AHI!**”



Kātahi māua ka oma atu ki
te rūma noho. Nāku te kūaha i
whakatuwhera, ā, ka puta atu māua
ki waho. Nāku i kati te kūaha, ka oma atu mā te ara.

Ka auau a Mokopeke, “**HE AHI, HE AHI, HE AHII!**”

Ka hāmama hoki au, “**HE AHI, HE AHI, HE AHII!**”



Ka tū a Mokopeke i te whatitoka o te whare, ka auau i reira.

“Mokopeke, kāo,” taku kī atu ki a ia. “Kaua e haere ki te rapu i a Pāpā. Kei te **HĒ** tēnā whakaaro. **KAUA** tāua e hoki atu ki roto i te whare. He ahi kei roto i te whare. Me haere tāua ki te kēti. Kia maumahara, koirā te wāhi tūtakitaki haumaru.”


TERE tonu tā māua hīkoi whakamua.

Ka auau a Mokopeke, “**HE AHI, HE AHI, HE AHI!**”

Ka hāmama hoki au, “**HE AHI, HE AHI, HE AHI!**”




Ka tae atu au me Mokopeke ki te wāhi tūtakitaki haumaru i te taha o te kēti. Ka tae mai hoki a Pāpā i muri. Ka awhitia mai au, ngaro tonu ki roto i ana ringa. Harikoa ana māua ko Mokopeke ki te kite i a ia. Ka pekepeke a Mokopeke ki runga i a Pāpā ki te mitimiti i tana kanohi. Ka awhi a Pāpā i te kurī nā hoki.



Ka waea atu a Pāpā ki te 111 ki tana waea pūkoro. Ka tono ki ngā kaitinei ahi kia haere mai ki te tinei i te ahi.


I waho anō mātou i ō mātou kākahu moe. Ahakoa te makariri, hei aha tērā. Kua ora mātou katoa.



Kātahi ka tae mai te taraka tinei ahi, ka peke mai ngā kaitinei ki waho. Ka haere ngā kaitinei ki te tirotiro mehemea i te ora mai ngā tāngata katoa, kāore kau hoki he tangata i roto i te whare.



Ka ngōki atu tētahi kaitinei ahi, me āna
taputapu ngote hau ki roto i te whare, me tana
ngongo wai ki tana ringa. Ka tere tineia te ahi
e ngā kaitinei ahi.




Te hokinga mai a Māmā rātou ko Māia ko Hēmi i te puni o te kura i te harikoa mai rātou ki a au me Mokopeke. Ka kōrero mai a Pāpā ki a rātou mō tā māua taenga atu ko Mokopeke ki te wāhi tūtakitaki i runga i te haumaru.

Ka kī mai a Māmā he toa kē ahau, me Mokopeke, nā te mea i āta maumahara ahau me taku kurī me pēhea rā e ora ai i te mate.




He matara tō tātou whānau
Ki te ahī.
Kei te mōhiō tātou me aha,
Me he ahī i roto i tō tātou whare.
E mōhiō ana koutou me aha
Kou-tou.
Ka noho matara hoki tō
Whānau ki te ahī ināianei!




ka haere mai nga kaitinei ahi ki te awhina.
ka tirotiro rātou kei te haumaru tātou.
kātahi rātou ka tīnei wāve i te ahi.



Anaei to tatou whānau, he matara ki te ahī.
Kua tae katoa tatou ki te wahī tutakitaki
haumaru. Kei waho katoa tatou i te whare,
kei te haumaru i te ahī.
Ka weea atu to tatou hoa noho tata ki 111.




Kei waho tātou i te whare. E mōhiō ana tātou
Me haere ki tā tātou pouaka mēra. Koira to
tātou wahī tutakitaki haumaru.
Ka hāmama tātou HE AHI, HE AHI, HE AHI!



He auahi tenei e toro mai nei mā te
kūwaha! E kōre tātou e puta atu mā reira.
Me kati te kūwaha hei ārai atu i te auahi.
Me TERE peke atu tātou mā te matapihī.
Ka hāmama tātou HE AHI, HE AHI, HE AHI!



Kei te mōhiō hoki tātou me aha,
ina tangi te pūoho auahi. Ka NGAWI,
NGAWI, tāna tangi. Ahakoa te turituri,
kāore tātou e mataku. E mōhiō ana
tātou me aha tātou.
Kaua e tatari ki a Māmā ki a Pāpā rānei.
Me TERE puta atu tātou i te rūma.



He matara tō tatou whānau ki te ahī.
E mōhi ana tatou he taputapu te māti
me te pūahi hei whakamahi mā te pakēke.
E mōhi ana tatou ki te mahi tikā, ina kitea
he māti, he pūahi rānei. Ka inoi ki tetahi
pakēke kia hotu ki te wāhi haumaru.



Kia Tūpato
Ki te Ahī

MAUI-TINEI-AHI
TAU 1, 2